



He aratohu hei tono mō tētahi whakatau whakaputa tuakiri hei hiki i te āpuru ingoa aunoa o te kiriuapare, te tangata hara rānei

He kōrero mō tēnei aratohu

Pānuitia tēnei aratohu kia mōhio ai me pēhea te tono mō tētahi whakatau whakaputa tuakiri hei hiki i te āpuru ingoa aunoa o te kiriuapare, te tangata hara rānei. Mēnā me whiwhi āwhina, tautoko rānei koe, he whakapā kei te mutunga o tēnei aratohu hei āwhina i a koe.

He aha te whakatau whakaputa tuakiri?

Mēnā he pāpurenga koe nō te ngauwhiore nā tētahi o te whānau he whai mana i runga i a koe (te taitōkai i tētahi pararau o te whānau), ka uhia aunoatia te tangata i hāmenetia, i whakaharaina rānei ki te mahi hara ki te āpuru ingoa hei tiaki i tō tūmataitinga me tō oranga.

Mēnā kaore koe i te hiahia kia āpurutia tōna ingoa, ka āhei koe ki te tono ki te kōti mō tētahi **whakatau whakaputa tuakiri kiriuapare**.

Ko te tikanga o te whiwhi ki tētahi whakatau whakaputa tuakiri kiriuapare ka taea te whakaputa te ingoa o te kiriuapare/tangata hara rānei, kia kōrerohia rānei e pā ana ki te hara ki a koe i roto i ngā rongo kōrero, i runga pāpāho pāpori, i wāhi kē atu rānei.

Ko te kōrero pea mō tēnei i rongo koe ko te 'hiki i te āpuru ingoa'.

Mēnā e hiahia ana koe ki te tono mō tētahi whakatau whakaputa tuakiri kiriuapare i te mea e hiahia ana koe ki te kōrero tūmatanui mō te mahi hara, me tono anō koe mō tētahi whakatau whakaputa tuakiri hei hiki i tāu ake āpuru ingoa.

Ko wai ka āhei ki te tono mō tētahi whakatau whakaputa tuakiri kiriuapare?

Ka āhei koe ki te tono mō tētahi whakatau whakaputa tuakiri mena koe he:

- pāpurenga nō te ngauwhiore, taitōkai rānei nā tētahi whanaunga whai mana i runga i a koe (te taitōkai i tētahi pararau o te whānau); ā,
- 18 tau, pakeke atu rānei.

Mēnā kāore koe i te tino mōhio ki te hara i whakapaea, i whiua rānei te kiriuapare/tangata hara, mā tētahi kaitohutohu pāpurenga kōti, mā ngā Pirihimana rānei koe e kōrero.

Ka āhei koe ki te tono i roto i te tukanga kōti, whai muri rānei i te katinga o te kēhi.

Me pēhea taku tono?

E rua ngā tikanga hei tono:

1. Me whakaoti te tono poto me te puka tuhinga oati i te pito o tēnei aratohu; tērā rānei
2. Me tuku he tono ā-waha (te tono ki te kaiwhakawā i te kōti). Mēnā e hiahia ana koe ki te tuku tono ā-waha, ka āhei koe ki te tono ki te kaihāmene kia whakaritea tēnei.

Ka aha mēnā ehara ko au anake te pāpurenga?

Me mātua whakaae ngā parurenga katoa o te kēhi kei te hiahia rātou katoa ki te hiki i te āpuru ingoa o tētahi kiriuapare/tangata hara. Me tuku ngā pāpurenga katoa, mā te whakaoti i te puka tono me te tuhinga oati kei te pito o tēnei aratohu, ma te tuku rānei i tētahi tono ā-waha mō tētahi whakatau whakaputa tuakiri kiriuapare.

He aha te tuhinga oati?

He tuhinga ā-ture te tuhinga oati kei roto ko ngā mōhiohio mō tōu āhuratanga me te kaupapa o tō tono ki te kōti. Me mātua kī taurangi, me whakaū rānei te tuhinga. Arā, mā te kī taurangi i runga i tētahi pukapuka whakapono, pērā i te Paipera, te Kōrana rānei, mā te āta whakapuaki rānei he pono ngā mōhiohio e tukuna ana e koe i roto i te kōti. Me mātakitaki tētahi kaimahi koti, he kaiwhakawā tūmatanui, he rōia rānei i a koe e waitohu ana i tō tuhinga oati me te kōrero oati, kī taurangi rānei. Ka taea e koe te whakamahi te puka i tēnei pito o tēnei aratohu hei whakaoti i tētahi tuhinga oati.

Ko wai ka kite i taku tono ā-tuhi me taku tuhinga oati?

Ka tukuna he kape o te tono me te tuhinga oati ki te kaiwhakawā me te kaihāmene.

Ka whakamōhio atu te kaimahi kōti i te kiriuapare/tangata hara, tōna rōia rānei i tuku tono koe. Kāore te kiriuapare/tangata hara e whiwhi kape o te tono me te tuhinga oati. Mā te kaiwhakawā e whakatau mēnā he mōhiohio kei reira me mōhio te kiriuapare/tangata hara mō te tono.

I te mutunga o tō tono ā-tuhi me tō tuhinga oati

Mēnā kua oti i a koe te puka poto kei muri o tēnei aratohu, ka āhei koe ki te heri ki te kōti tūtata kia whakaoatitia, kia whakaūngia rānei. Kāore he utu mō tēnei.

Mēnā kua whakaotitia kētia tō tuhinga oati, ka āhei koe ki te tuku i tō tono me tō tuhinga oati ki ngā kaimahi kōti o te kōti tūtata ki a koe, mā te Īmēra rānei.

Ka kitea e koe te wāhitau Īmēra mō tō kōti tūtata i: www.justice.govt.nz/contact-us/find-us

Ka aha ā muri ake?

Ka whai wāhi te kaihāmene me te kiriuapare/tangata hara ki te whakautu ā-tuhi mō te tono.

Kātahi ka tuku whakatau te kaiwhakawā, te whakarite rānei i tētahi whakawātanga kōti hei kōrero ki a koe mō te tono.

Ina tuku whakatau te kaiwhakawā, ka whakamōhiohia atu koe, ā, ka tukuna he kape ā-tuhi o te whakatau ki a koe.

Mēnā ka whakahautia e te kaiwhakawā kia whakaritea he whakawātanga, ka whakamōhiohia atu koe e te kōti mō te wā me te rā me tae koe ki te kōti. Ka tae atu pea te kiriuapare/tangata hara me tōna rōia ki te whakawātanga. Ka taea pea te whai wāhi mā te hono ataata.

He aha ngā otinga pea ka taea?

Mēnā ka tukuna e tētahi whakataurua whakaputa tuakiri:

- **Ka taea** te whakaputa te ingoa me ngā taipitopito tuakiri o te kiriuapare/tangata hara ki ngā rongo kōrero, i runga pāpāho pāpori rānei e pā ana ki te mahi hara ki a koe.
- Ka āpurua tonutia tō ingoa (me ngā taipitopito tuakiri) me ngā ingoa o ētahi atu pāpurenga engari ia mēnā ka tono koe, tētahi atu pāpurenga rānei mō tētahi whakataurua whakaputa tuakiri kia hīkina tāu ake āpuru ingoa. Heoi, me whakaaroaro pea koe mēnā ka whakaetia tō tono, ka whakaaturia pea koe, ētahi atu pāpurenga pea nā te ahua o te hara.

Ki te whakahētia e te kaiwhakawā tō tono, **tē taea** te whakaputa te ingoa me ngā taipitopito tuakiri o te kiriuapare/tangata hara ki ngā rongo kōrero, i runga pāpāho pāpori rānei e pā ana ki te mahi hara ki a koe.

Me whakapā atu ki a wai mēnā he pātai āku, kei te hiahia tautoko rānei ahau?



Kaitohutohu pāpurenga kōti

Mā tētahi kaitohutohu pāpurenga kōti e whakautu ō pātai mō ngā whakataurua whakaputa tuakiri, ā, me pēhea te tuku tono.

Kia pai ai te kōrero ki tētahi kaitohutohu pāpurenga kōti, me whakamahi i te waea koreutu mō Ngā Mōhiotia Pāpurenga: **0800 650 654** (9am – 5pm, Mane – Paraire).



Ngā āwhina ture

Ka āhei koe anō te tuku tono, me tiki rōia rānei hei āwhina i a koe ki te whakakī i tēnei puka.

He rōia ā Ngā Pokapū Tute Hapori hei āwhina i a koe. Kāore he utu mō tēnei ratonga.

Haere ki: www.communitylaw.org.nz

He rārangi tā te New Zealand Law Society mō ngā rōia puta noa i Aotearoa.

Haere ki: www.lawsociety.org.nz



Kei te hiahia āwhina, he tangata rānei hei kōrerorero?

He whakahaere kei reira hei āwhina i a koe.

Kōrero Mai Ka Ora

Waea koreutu: 0800 044 334

Patowaea koreutu: 4334

24 haora, i ia rā

Haere ki: www.safetotalk.nz

Rape Prevention Education Trust

He rārangi mō ngā ratonga tautoko taitōkai kei tēnei whārangi *whiwhi āwhina* o tēnei paetukutuku i tō rohe.

Haere ki: www.rpe.co.nz/find-your-local-support-service